



Ministry of Civil Affairs

Broj: 14-16-3-16-4/22
Datum: 02.11.2022. godine

Na osnovu člana člana 70. i 72. stav 3. tačka a) Zakona o javnim nabavkama BiH (Službeni glasnik BiH broj 39/14 i 59/22), ministrica civilnih poslova Bosne i Hercegovine donosi:

ODLUKU

o izboru najpovoljnijeg ponuđača

I

Najpovoljniji ponuđač u postupku javne nabavke usluga štampanja objavljenom na web portalu Agencije za javne nabavke BiH, broj obavještenja: 121-7-2-73-3-41/22 od 22.09.2022. godine, koji je proveden u skladu sa procedurom otvorenog postupka je Svjetlost-BH print d.o.o. Sarajevo.

II

Poništava se Odluka o izboru najpovoljnijeg ponuđača broj: 14-16-3-16-3/22 od 18.10.2022. godine na osnovu koje je Štamparija Fojnica d.d. Fojnica izabran kao najpovoljniji ponuđač u postupku javne nabavke usluga štampanja.

III

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

IV

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 12.10.2022. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle tri ponude i to ponuđača: Štamparija Fojnica d.d. Fojnica, Svjetlost-BH print d.o.o. Sarajevo i Oxygen d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača Oxygen d.o.o. Sarajevo nije prihvatljiva iz razloga što nisu dostavljene kopije u štampanom obliku ponude, te ponuda nije dostavljena skenirana na CD, DVD, USB ili sličnoj memoriji, iako je tačkom 5 Konkurentskog zahtjeva jasno navedeno da je Ponuđač dužan dostaviti ponudu u originalu i 2 (dvije) kopije u štampanom obliku na kojima će čitko napisati: "ORIGINAL PONUDA" i "KOPIJA PONUDE", te napomena da su ponuđači obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji. Osim toga, ponuda nije prihvatljiva

iz razloga što nije dostavljena Potvrda banke da račun ponuđača nije bio blokiran u posljednjih šest mjeseci.

Ponuđači Štamparija Fojnica d.d. Fojnica i Svjetlost-BH print d.o.o. Sarajevo su kvalifikovani njihove ponude su prihvatljive, dostavljeni su svi traženi dokazi propisani tenderskom dokumentacijom, na propisan način.

Dana 19.10.2022. godine najpovoljnijem ponuđaču Štamparija Fojnica d.d. Fojnica dostavljena je Odluka o izboru najpovoljnijeg ponuđača broj: 14-16-3-16-3/22 od 18.10.2022. godine na osnovu koje je izabran kao najpovoljniji ponuđač u postupku javne nabavke usluga štampanja. Istovremeno je najpovoljniji ponuđač obaviješten da je u roku od 5 dana od dana prijema obavještenja u skladu sa konkurentskim zahtjevom za dostavljanje ponuda dužan dostaviti u originalu ili ovjerenoj kopiji dokaze o kvalifikaciji propisane članom 45. i 47. Zakona o javnim nabavkama. Kako u ostavljenom roku ponuđač Štamparija Fojnica d.d. Fojnica nije dostavio navedene dokaze u kvalifikaciji originalu ili ovjerenoj kopiji, ugovorni organ u skladu sa članom 72. stav 3. tačka a) Zakona o javnim nabavkama BiH dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača.

Analizom ponuda, primjenom kriterija najniža cijena utvrđeno je sljedeće:

Najpovoljnija je ponuda ponuđača Svjetlost-BH print d.o.o. Sarajevo sa ukupnom cijenom sa 19.930,68 KM bez PDV-a, odnosno 23.318,89 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. *Ponuđačima - elektronski*
2. *Web stranica Ministarstva – na objavu*
3. *a/a*